

sperávi : * tu exáudies me Dómine Deus meus.

Quia dixi : Nequándo supergáudeant mihi inimici mei : * et dum commóventur pedes mei, super me magna locúti sunt.

Quóniam ego in flagélla parátus sum : * et dolor meus in conspéctu meo semper.

Quóniam iniquitátem meam annuntiábo : * et cogitábo pro peccáto meo. Inimici autem mei vivunt, et confirmáti sunt super me : * et multiplicáti sunt qui odérunt me inique.

Qui retribuunt mala pro bonis, detrahébant mihi : * quóniam sequébar bonitátem.

Ne derelínquas me Dómine Deus meus : * ne discésseris a me.

Inténde in adiutorium meum, * Dómine Deus salútis meæ.

Añã. Revéla Dómino viam tuam.

Per Annum, V. Dómine in cœlo misericórdia tua. **R.** Et véritas tua usque ad nubes.

Pro uno Martyre, V. Glória et honóre coronásti eum Dómine. **R.** Et constituísti eum super ópera mánuum tuárum.

Pro pluribus Martyribus, V. Lætámini in Dómino, et exsultáte justi. **R.** Et glóriámini omnes recti corde.

Pro Confessore Pontifice, et non Pontifice, V. Amávit eum Dóminus, et ornávit eum. **R.** Stulam glóriæ induit eum.

Pro una Sancta, V. Spécie tua et pulchritúdine tua. **R.** Inténde, prospere procéde, et regna.

AD LAUDES.

V. Deus in adiutorium. 20. **Añã.** Miserére.

Psalmus I.

Miserére mei Deus, * secúndum magnam misericórdiam tuam.

Et secúndum multitudinem miseratiónum tuárum, * dele iniquitátem meam.

Amplius lava me ab iniquitáte mea : * et a peccáto meo munda me.

Quóniam iniquitátem meam ego cognóscó : * et peccátum meum contra me est semper.

Tibi soli peccávi, et malum coram te feci : * ut justificéris in sermónibus tuis, et vincas cum iudicáris.

Ecce enim in iniquitáti-

bus concéptus sum : * et in peccátis concépit me mater mea.

Ecce enim veritátem dilexísti : * incérta et occúlta sapiéntiæ tuæ manifestásti mihi.

Aspérges me hyssópo, et mundábor : * lavábis me, et super nivem dealbábor.

Auditui meo dabis gáudium et lætítiam : * et exsultábunt ossa humiliáta.

Avérte fáciem tuam a peccátis meis : * et omnes iniquitátes meas dele.

Cor mundum crea in me Deus : * et spíritum rectum ínnova in viscéribus meis.

Ne projicias me a fácie tua : * et spíritum sanctum tuum ne áuferas a me.

Redde mihi lætítiam salutáris tui : * et spíritu principáli confirma me.

Docébo iníquos vias tuas : * et impii ad te converténtur.

Líbera me de sanguínibus Deus, Deus salútis meæ : * et exsultábit lingua mea justítiam tuam.

Dómine, lábia mea apéries : * et os meum annuntiábit laudem tuam.

Quóniam si volúisses sacrificium, dedíssem úti-

que : * holocáustis non delectáberis.

Sacrificium Deo spíritus contribulátus : * cor contrítum, et humiliátum Deus non despíciens.

Benígne fac Dómine in bona voluntáte tua Sion : * ut ædificéntur muri Jerúsalem.

Tunc acceptábis sacrificium justítie, oblatiões, et holocáusta : * tunc impónent super altáre tuum vítilos.

Añã. Miserére mei Deus.

Añã. Intéllige.

Psalmus II.

Verba mea áuribus percípe Dómine, * intéllige clamórem meum.

Inténde voci oratiónis meæ, * Rex meus et Deus meus.

Quóniam ad te orábo : * Dómine mane exáudies vocem meam.

Mane astábo tibi et vidébo : * quóniam non Deus volens iniquitátem tu es.

Neque habitábit juxta te malignus : * neque permánébunt injústi ante óculos tuos.

Odísti omnes, qui operántur iniquitátem : * perdes omnes, qui loquúntur mendácium.

Virum sanguínum et do-

lolum abominabitur Dominus : * ego autem in multitudi-
ne misericordiae tuae.

Introibo in domum tuam : * adorabo ad templum sanctum tuum in timore tuo.

Domine deduc me in iustitiam tuam : * propter inimicos meos dirige in conspectu tuo viam meam.

Quoniam non est in ore eorum veritas : * cor eorum vanum est.

Sepulcrum patens est guttur eorum, linguis suis dolose agebant, * iudica illos Deus.

Decidant a cogitationibus suis, secundum multitudinem impietatum eorum expelle eos, * quoniam irritaverunt te Domine.

Et laetentur omnes, qui sperant in te, * in aeternum exsultabunt : et habitabis in eis.

Et gloriabuntur in te omnes, qui diligunt nomen tuum, * quoniam tu benedices iusto.

Domine, ut scuto bonae voluntatis tuae * coronasti nos.

Añã. Intellige clamorem meum Domine.

Añã. Deus Deus meus * ad te de luce vigilo.

Psalm. idem ut supra. 21. Añã. Conversus est.

Canticum Isaiae Prophetæ. Cap. xij.

Confitebor tibi Domine, quoniam iratus es mihi : * conversus est furor tuus, et consolatus es me.

Ecce Deus salvator meus, * fiducialiter agam, et non timebo :

Quia fortitudo mea, et laus mea Dominus, * et factus est mihi in salutem.

Haurietis aquas in gaudio de fontibus salvatoris : * et dicetis in die illa : Confitemini Domino, et invocate nomen eius :

Notas facite in populis ad inventiones ejus : * mementote quoniam excelsum est nomen ejus.

Cantate Domino quoniam magnifice fecit : * annuntiate hoc in universa terra.

Exsulta, et lauda habitatio Sion : * quia magnus in medio tui sanctus Israel.

Añã. Conversus est furor tuus Domine, et consolatus es me.

Añã. Laudate * Dominum de caelis.

Psalm. idem ut supra. 23.

Capit. sequens dicitur in feriali Officio, ab Octava Pentec. usque ad Advent.

Capitulum. Rom. xij. d

Nox praecessit, dies autem appropinquavit. Abjiciamus ergo opera tenebrarum, et induamur arma lucis. Sicut in die honeste ambulemus.

Hymnus.

Splendor Paternae gloriae,

De luce lucem proferens, Lux lucis, et fons luminis, Diem dies illuminans.

Verusque sol illabere, Micans nitore perpeti : Jubarque sancti Spiritus Infunde nostris sensibus.

Votis vocemus et Patrem, Patrem potentis gratiae, Patrem perennis gloriae, Culpam reléget lubricam.

Confirmet actus strenuos : Dentes retundat invidi :

Casus secundet asperos : Agenda recte dirigat.

Mentem gubernet, et regat : Sit pura nobis castitas :

Fides calore ferveat : Fraudis venena nesciat.

Christusque nobis sit cibus,

Potusque noster sit fides : Laeti bibamus sobriam

Profusionem Spiritus.

Laetus dies hic transeat : Pudor sit ut diluculum :

Fides velut meridies : Crepusculum mens nesciat.

Aurora lucem provehit : Cum luce nobis prodeat In Patre totus Filius, Et totus in Verbo Pater. Deo Patri sit gloria, Ejusque soli Filio, Cum Spiritu Paraclito, Nunc, et per omne saeculum. Amen.

Per Annum, V. Repleti sumus mane misericordia tua. *R.* Exsultavimus, et delectati sumus.

Ad Bened. Añã. Benedictus * Dominus Deus Israel.

In Feriali Quatuor Temp. et Vigil. quae jejunantur, post Añã ad Bened. dic. seq. Preces flexis genibus.

Aliis temp. non dicuntur.

Kyrie eleison. Christe eleison. Kyrie eleison.

Pater noster. *totum dicitur clara voce.*

V. Et ne nos inducas in tentationem. *R.* Sed libera nos a malo.

V. Ego dixi, Domine miserere mei. *R.* Sana animam meam, quia peccavi tibi.

V. Convertere Domine usquequo. *R.* Et deprecabilis esto super servos tuos.

V. Fiat misericordia tua Domine super nos. *R.* Quemadmodum speravimus in te.

V. Sacerdotes tui in-

duántur justítiam. **R.** Et sancti tui exsúltent.

V. Dómine salvum fac regem. **R.** Et exáudi nos in die, qua invocáverimus te.

V. Salvum fac pópulum tuum Dómine, et benedic hereditáti tuæ. **R.** Et rege eos, et extólle illos usque in ætérnum.

V. Meménto congregatiónis tuæ. **R.** Quam possedísti ab initio.

V. Fiat pax in virtúte tua. **R.** Et abundántia in túrribus tuis.

V. Orémus pro fidélibus defúctis. **R.** Réquiem ætérnam dona eis Dñe, et lux perpétua lúceat eis.

V. Requiéscant in pace. **R.** Amen.

V. Pro frátribus nostris abséntibus. **R.** Salvos fac servos tuos, Deus meus sperántes in te.

V. Pro afflictis et captívis. **R.** Líbera eos Deus Israel ex ómnibus tribulatióibus suis.

V. Mitte eis Dómine auxiliúm de sancto. **R.** Et de Sion tuére eos.

V. Dómine exáudi oratióem meam. **R.** Et clamor meus ad te véniat.

Deinde dicitur Psalmus.
De profúndis. **ut infra**
Feria iv. ad Vesperas. 155.

Finito Ps. dic. V. Dómine Deus virtútum convérte nos. **R.** Et osténde faciém tuam, et salvi érimus.

V. Exsúrge Christe, ádjuva nos. **R.** Et líbera nos propter nomen tuum.

V. Dómine exáudi oratióem meam. **R.** Et clamor meus ad te véniat.

V. Dóminus vobíscum. **R.** Et cum spíritu tuo.

Deinde dic. Oratio propria. Et quando in feriali Officio fiunt Commemor. communes de S. Maria, de S. Joseph, de Apostolis, de Titulo, et de Pace, ante eas tam in Laud. quam in Vesp. fit Commemor. de Cruce, ut infra. 169.

Quæ Commemoratio de Cruce fit etiam, quando non dicuntur Preces, in feriali tantum Officio.

FERIA TERTIA.

AD MATUTINUM.

Invitorium. Jubilémus Deo, * Salutári nostro.

Ps. Veníte, exsultémus. 2.

Hymnus.

Consors Patérni lúminis,
Lux ipse lucis, et dies :
Noctem canéndo rúmpimus,
Assiste postulántibus.

Aufer tenébras méntium,
Fuga catérvas dæmonum,
Expélle somnoléntiam,
Ne pigritántes óbruat.

Sic Christe nobis ómnibus
Indúlgeas credéntibus,
Ut prosit exorántibus,
Quod præcinéntes psállimus.

Præsta, Pater piíssime,
Patrique compar Unice,
Cum Spíritu Paráclito
Regnans per omne sæculum. Amen.

Aña. Ut non delínquam.

Psalmus cxxviij.

Bixi: Custódiam vias meas : * ut non delínquam in lingua mea.

Pósui ori meo custódiam, * cum consisteret peccátor advérsus me.

Obmútui, et humiliátus sum, et sílvi a bonis : * et dolor meus renovátus est.

Concáluit cor meum intra me : * et in meditatióne mea exardéscet ignis.

Locútus sum in lingua mea : * notum fac mihi Dómine finem meum,

Et númerum diérum meórum quis est : * ut sciam quid desit mihi.

Ecce mensurábiles posúisti dies meos : * et substántia mea tamquam nihilum ante te.

Verúmtamen univérsa vánitas, * omnis homo vivens.

Verúmtamen in imágine pertránsit homo : * sed et frustra conturbátur.

Thesaurizat : * et ignórat cui congregábit ea.

Et nunc quæ est exspectatió mea? nonne Dóminus? * et substántia mea apud te est.

Ab ómnibus iniquitáibus meis érue me : * oppróbrium insipiénti dedísti me.

Obmútui, et non apérui os meum, quóniam tu fecísti : * ámove a me plagas tuas.

A fortitúdine manus tuæ ego deféci in increpatióibus : * propter iniquitátem corripuísti hóminem.

Et tabéscere fecísti sicut aráneam ánimam ejus : * verúmtamen vane conturbátur omnis homo.

Exáudi oratióem meam Dómine, et deprecatióem meam : * áuribus pécipe lácrymas meas.

Ne síleas : quóniam ádvena ego sum apud te, et peregrinus, * sicut omnes patres mei.

Remitte mihi, ut refrigérer priúsqvam ábeam, * et ámplius non ero.

Psalmus xxxix.

EXspéctans expectávi
Dóminum, * et inténdit mihi.

Et exaudivit preces meas : * et edúxit me de lacu misériae, et de luto fáecis.

Et státuit super petram pedes meos : * et diréxit gressus meos.

Et immisit in os meum cánticum novum, * carmen Deo nostro.

Vidébunt multi et tímébunt : * et sperábunt in Dómino.

Beátus vir, cujus est nomen Dómini spes ejus : * et non respéxit in vanitátes et insánias falsas.

Multa fecisti tu Dómine Deus meus mirábilia tua : * et cogitátionibus tuis non est qui símilis sit tibi.

Annuntiávi et locútus sum : * multiplicáti sunt super númerum.

Sacrificium et oblatiónem nolúisti : * aures autem perfecisti mihi.

Holocáustum et pro peccáto non postulásti : * tunc dixi : Ecce vénio.

In cápite libri scriptum est de me ut fácerem voluntátem tuam : * Deus meus vólui, et legem tuam in médio cordis mei.

Annuntiávi justítiam tuam in ecclésia magna, * ecce lábia mea non prohibébo : Dómine tu scisti.

Justítiam tuam non abscondi in corde meo : * veritátem tuam et salutáre tuum dixi.

Non abscondi misericórdiam tuam, et veritátem tuam * a concílio multo.

Tu autem Dómine ne longe fácias miseratiónes tuas a me : * misericórdia tua et véritas tua semper suscepérunt me.

Quóniam circumdedérunt me mala, quorum non est númerus : * comprehéderunt me iniquitátes meae, et non pótui ut vidérem.

Multiplicátæ sunt super capillos cápitis mei : * et cor meum dereliquit me.

Compláceat tibi Dómine ad adjuvándum me respice.

Confundántur et reve-reántur simul, qui quæ-runt ánimam meam, * ut áuferant eam.

Convertántur retrórsus, et reve-reántur * qui volunt mihi mala.

Ferant conféstim confusiónem suam, * qui dicunt mihi : Euge, euge.

Exsúltent et læténtur super te omnes quærén-

te te : * et dicant semper : Magnificétur Dñus : qui dilígunt salutáre tuum.

Ego autem mendícus sum, et pauper : * Dóminus sollicitus est mei.

Adjútor meus, et protéctor meus tu es : * Deus meus ne tardáveris.

Aña. Ut non delínquam in lingua mea.

Aña. Sana.

Psalmus xl.

BEátus qui intélligit super egénium, et páuperem : * in die mala liberábit eum Dóminus.

Dóminus consérvet eum, et vivíficet eum, et beátum faciát eum in terra : * et non tradateum in ánimam inimicórum ejus.

Dóminus opem ferat illi super lectum dolórisejus : * univérsum stratum ejus versásti in infirmitáteejus.

Ego dixi : Dómine miserére mei : * sana ánimam meam, quia peccávi tibi.

Inimíci mei dixerunt mala mihi : * quando moriétur, et peribit nomen ejus?

Et si ingrediebátur ut vidéret, vana loquebátur, * cor ejus congregávit iniquitátem sibi.

Egrediebátur foras, * et loquebátur in idípsum.

Advérsus me susurrá-

bant omnes inimíci mei : * advérsus me cogitábant mala mihi.

Verbum iníquum constitúerunt advérsus me : * Numquid qui dormit non adjiciet ut resúrgat?

Etenim homo pacis meae, in quo sperávi : * qui edébat panes meos, magnificávit super me supplantatiónem.

Tu autem Dómine miserére mei, et resúscita me : * et retribuam eis.

In hoc cognóvi quóniam volúisti me : * quóniam non gaudébit inimícus meus super me.

Me autem propter innocentiam suscepísti : * et confirmásti me in conspéctu tuo in ætérnum.

Benedictus Dñus Deus Israel a sæculo, et usque in sæculum : * fiat, fiat.

Psalmus xli.

Quemádmódum desíderat cervus ad fontes aquarum : * ita desíderat ánimá mea ad te Deus.

Sitívit ánimá mea ad Deum fortem vivum : * quando véniam, et apparebo ante faciém Dei?

Fuérunt mihi lácrymæ meae panes die ac nocte : * dum dicitur mihi quotidie : Ubi est Deus tuus?

Hæc recordatus sum, et effudi in me animam meam : * quoniam transibo in locum tabernaculi admirabilis, usque ad domum Dei :

In voce exsultationis, et confessionis : * sonus epulantis.

Quare tristis es anima mea? * et quare conturbas me?

Spera in Deo, quoniam adhuc confitebor illi : * salutare vultus mei, et Deus meus.

Ad meipsum anima mea conturbata est : * propterea memor ero tui de terra Jordanis, et Hermoniim a monte modico.

Abyssus abyssum invocat, * in voce cataractarum tuarum.

Omnia excelsa tua, et fluctus tui * super me transierunt.

In die mandavit Dominus misericordiam suam : * et nocte canticum ejus.

Apud me oratio Deo vitæ meæ, * dicam Deo : Susceptor meus es.

Quare oblitus es mei? * et quare contristatus incedo dum affligit me inimicus?

Dum confringuntur ossa mea, * exprobraverunt

mihi qui tribulant me inimici mei.

Dum dicunt mihi per singulos dies : Ubi est Deus tuus? * quare tristis es anima mea? et quare conturbas me?

Spera in Deo, quoniam adhuc confitebor illi : * salutare vultus mei, et Deus meus.

Añã. Sana Dñe animam meam, quia peccavi tibi.

Añã. Eructavit

Psalmus cxxij.

Deus auribus nostris audivimus : * patres nostri annuntiaverunt nobis.

Opus, quod operatus es in diebus eorum : * et in diebus antiquis.

Manus tua Gentes disperdidit, et plantasti eos : * afflixisti populos, et expulisti eos :

Nec enim in gladio suo possederunt terram, * et brachium eorum non salvavit eos :

Sed dextera tua, et brachium tuum, et illuminatio vultus tui : * quoniam complacuisti in eis.

Tu es ipse Rex meus et Deus meus : * qui mandas salutes Jacob.

In te inimicos nostros ventilabimus cornu, * et in

nómine tuo spernemus insurgentes in nobis.

Non enim in arcu meo sperabo : * et gladius meus non salvabit me.

Salvastis enim nos de affligentibus nos : * et odientes nos confundisti.

In Deo laudabimur tota die : * et in nómine tuo confitebimur in sæculum.

Nunc autem repulisti et confundisti nos : * et non egrediéris Deus in virtutibus nostris.

Avertisti nos retrorsum post inimicos nostros : * et qui oderunt nos, diripiébant sibi.

Dedisti nos tamquam oves escarum : * et in Géntibus dispersisti nos.

Vendidisti populum tuum sine pretio : * et non fuit multitudo in commutationibus eorum.

Posuisti nos opprobrium vicinis nostris, * subsanationem et derisum his, qui sunt in circúitu nostro.

Posuisti nos in similitudinem Géntibus : * commotionem capitis in populis.

Tota die verecúndia mea contra me est, * et confusio faciæ meæ cooperuit me.

A voce exprobrantis, et obloquentis : * a facie inimici, et persequentis.

Hæc omnia venerunt super nos, nec obliti sumus te : * et inique non egimus in testamento tuo.

Et non recessit retro cor nostrum : * et declinasti semitas nostras a via tua :

Quoniam humiliasti nos in loco afflictionis, * et cooperuit nos umbra mortis.

Si obliti sumus nomen Dei nostri, * et si expandimus manus nostras ad deum alienum :

Nonne Deus requireret ista? * ipse enim novit abscondita cordis.

Quoniam propter te mortificamur tota die : * aestimati sumus sicut oves occisionis.

Exsurge, quare obdormis Domine? * exsurge, et ne repellas in finem.

Quare faciem tuam avertisti, * oblivisceris inopiæ nostræ, et tribulationis nostræ?

Quoniam humiliata est in pulvere anima nostra : * conglutinatus est in terra venter noster.

Exsurge Domine, adjuva nos : * et redime nos propter nomen tuum.

Psalmus clix.

Eructavit cor meum verbum bonum : * dico ego opera mea Regi.

Lingua mea cálamus scribæ, * velociter scribentis.

Speciosus forma præ filiis hóminum, diffusa est grátia in lábiis tuis: * propterea benedixit te Deus in ætérnum.

Accingere gládio tuo super femur tuum, * potentissime,

Spécie tua et pulchritudine tua * inténde, prospere procéde, et regna,

Propter veritatem et mansuetudinem, et justitiam: * et deducet te mirabiliter dextera tua.

Sagittæ tuæ acutæ, pópuli sub te cadent, * in corda inimicórum Regis.

Sedes tua Deus in sæculum sæculi: * virga directiónis virga regni tui.

Dilexisti justitiam, et odisti iniquitatem: * propterea unxit te Deus Deus tuus óleo lætitiæ præ consórtibus tuis.

Myrrha, et gutta, et cássia a vestiméntis tuis, a dómibus ebúrneis: * ex quibus delectavérunt te filia regum in honóre tuo.

Astitit regína a dextris tuis in vestitu deauráto: * circumdata varietáte.

Audi filia, et vide, et in-

clína aurem tuam: * et obliviscere pópulum tuum, et domum patris tui.

Et concupiscet Rex decórem tuum: * quóniam ipse est Dóminus Deus tuus, et adorábunt eum.

Et filia Tyri in munéribus * vultum tuum deprecabúntur: omnes divites plebis.

Omnis glória ejus filia Regis ab intus, * in fimbriis áureis circumamícta varietátibus.

Adducéntur Regi virgines post eam: * próximæ ejus afferéntur tibi.

Afferéntur in lætítia et exsultatióne: * adducéntur in templum Regis.

Pro pátribus tuis nati sunt tibi filii: * constitues eos príncipes super omnem terram.

Mémores erunt nóminis tui * in omni generatióne et generatióne.

Propterea pópuli confitebúntur tibi in ætérnum: * et in sæculum sæculi.

Añã. Eructávit cor meum verbum bonum.

Añã. Adjútor.

Psalmus rlv.

Deus noster refúgium, et virtus: * adjútor in tribulatióibus,

quæ invenérunt nos nimis.

Propterea non timébimus dum turbábitur terra: * et transferéntur montes in cor maris.

Sonuérunt, et turbatæ sunt aquæ eórum: * conturbáti sunt montes in fortitúde ejus.

Flúminis ímpetus lætificat civitatem Dei: * sanctificávit tabernáculum suum Altíssimus.

Deus, in médio ejus, non commovébitur: * adjuvábít eam Deus mane dilúculo.

Conturbatæ sunt Gentes, et inclináta sunt regna: * dedit vocem suam, mota est terra.

Dóminus virtútum nobiscum: * suscéptor noster Deus Jacob.

Veníte, et vidéte ópera Dñi, quæ pósuit prodigia super terram: * áuferens bella usque ad finem terræ.

Arcum cónteret, et confrínget arma: * et scuta combúret igni.

Vacáte, et vidéte quóniam ego sum Deus: * exaltábor in Géntibus, et exaltábor in terra.

Dóminus virtútum nobiscum: * suscéptor noster Deus Jacob.

Psalmus rlvj.

Omnes Gentes pláudite máribus: * jubiláte Deo in voce exsultatiónis.

Quóniam Dñus excelsus, terríbilis: * Rex magnus super omnem terram.

Subjécit pópulos nobis: * et Gentes sub pédibus nostris.

Elégit nobis hereditatem suam: * spécie Jacob, quam diléxit.

Ascéndit Deus in júbilo: * et Dóminus in voce tubæ.

Psállite Deo nostro, psállite: * psállite Regi nostro, psállite.

Quóniam Rex omnis terræ Deus: * psállite sapiénter.

Regnábít Deus super Gentes: * Deus sedet super sedem sanctam suam.

Príncipes populórum congregáti sunt cum Deo Abraham: * quóniam dii fortes terræ veheménter eleváti sunt.

Añã. Adjútor in tribulatióibus.

Añã. Magnus Dóminus.

Psalmus rlvij.

Magnus Dóminus, et laudábilis nimis * in civitate Dei nostri, in monte sancto ejus.

Fundátur exsultatióne univérsæ terræ mons

Sion, * látera Aquilónis, civitas Regis magni.

Deus in dómibus ejus cognoscétur, * cum suscipiet eam.

Quóniam ecce reges terræ congregáti sunt: * convenérunt in unum.

Ipsi vidéntes sic admiráti sunt, conturbáti sunt, commóti sunt: * tremor apprehéndit eos.

Ibi dolóres ut parturiéntis, * in spíritu veheménti cónteres naves Tharsis.

Sicut audívimus, sic vídimus in civitáte Dómini virtútum, in civitáte Dei nostri: * Deus fundávit eam in aetérnum.

Suscépiamus Deus misericórdiam tuam, * in médio templi tui.

Secúndum nomen tuum Deus, sic et laus tua in fines terræ: * justitia plena est dextera tua.

Lætétur mons Sion, et exsúltent filiae Judæ, * propter júdicia tua Dómine.

Circúmdate Sion, et completímini eam: * narráte in túrribus ejus.

Pónite corda vestra in virtúte ejus: * et distribúite domos ejus, ut enarretis in progénie áltera.

Quóniam hic est Deus, Deus noster in aetérnum,

et in sæculum sæculi: * ipse reget nos in sæcula.

Psalmus rlvij.

Audite hæc omnes Gentes: * áuribus percipite omnes, qui habitátis orbem:

Quique terrígenæ, et filii hóminum: * simul in unum dives et pauper.

Os meum loquétur sapiéntiam: * et meditatio cordis mei prudéntiam:

Inclinábo in parábolam aurem meam: * apériam in psaltério propositiónem meam.

Cur timébo in die mala? * iniquitas calcanei mei circúmdabit me:

Qui confidunt in virtúte sua: * et in multitudíne divitiárum suárum gloriántur.

Frater non rédimit, rédimit homo: * non dabit Deo placatióem suam.

Et prétium redemptionis animæ suæ: * et laborábit in aetérnum, et vivet adhuc in finem.

Non vidébit interítum, cum viderit sapiéntes moriéntes: * simul insípiens, et stultus períbunt.

Et relínquent aliénis divítias suas: * et sepúlcrá eórum domus illórum in aetérnum.

Tabernácula eórum in progénie, et progénie: * vocavérunt nómina sua in terris suis.

Et homo, cum in honóre esset, non intelléxit: * comparátus est juméntis insípiéntibus, et similis factus est illis.

Hæc via illórum scándalum ipsis: * et póstea in ore suo complacébunt.

Sicut oves in inférno pósi sunt: * mors depascet eos.

Et dominabúntur eórum justí in matutíno: * et auxiliúm eórum veteráscet in inférno a glória eórum.

Verúntamen Deus rédimet ánimam meam de manu ínferi, * cum accéperit me.

Ne timúeris, cum dives factus fúerit homo: * et cum multiplicáta fúerit glória domus ejus.

Quóniam cum interierit, non sumet ómnia: * neque descéndet cum eo glória ejus.

Quia ánima ejus in vita ipsius benedicétur: * confitébitur tibi cum benefeceris ei.

Introíbit usque in progénies patrum suórum: * et usque in aetérnum non vidébit lumen.

Homo, cum in honóre esset, non intelléxit: * comparátus est juméntis insípiéntibus, et similis factus est illis.

Añã. Magnus Dóminus, et laudábilis nimis.

Añã. Deus deórum.

Psalmus rlvij.

Deus deórum Dóminus locútus est: * et vocávit terram,

A solis ortu usque ad occásum: * ex Sion spécies decóris ejus.

Deus manifeste véniet: * Deus noster et non silébit.

Ignis in conspéctu ejus exardéscet: * et in circúitu ejus tempésta válda. Advocábit cœlum desúrsum: * et terram discérnere pópulum suum.

Congregáte illi sanctos ejus: * qui órdinant testaméntum ejus super sacrificia.

Et annuntiábunt cœli justítiam ejus: * quóniam Deus judex est.

Audi pópulus meus, et loquar: Israel, et testificábor tibi: * Deus Deus tuus ego sum.

Non in sacrificiis tuis árguam te: * holocáusta autem tua in conspéctu meo sunt semper.

Non accípiam de domo

tua vitulos : * neque de gregibus tuis hircos.

Quoniam meae sunt omnes ferae silvarum, * iumenta in montibus et boves.

Cognovi omnia volatilia caeli : * et pulchritudo agri mecum est.

Si esuriero, non dicam tibi : * meus est enim orbis terrae, et plenitudo ejus.

Numquid manducabo carnes taurorum ? * aut sanguinem hircorum potabo ?

Immola Deo sacrificium laudis : * et redde Altissimo vota tua.

Et invoca me in die tribulationis : * eruam te, et honorificabis me.

Peccatori autem dixit Deus : * Quare tu enarras justitias meas, et assumis testamentum meum per os tuum ?

Tu vero odisti disciplinam : * et projecisti sermones meos retrorsum :

Si videbas furem, currebas cum eo : * et cum adulteris portionem tuam ponebas.

Os tuum abundavit malitia : * et lingua tua concinnabat dolos.

Sedens adversus fratrem tuum loquebaris, et adversus filium matris tuae po-

nebas scandalum : * haec fecisti, et tacui.

Existimasti inique quod ero tui similis : * arguam te, et statuat contra faciem tuam.

Intelligite haec qui obliviscimini Deum : * ne quando rapiat, et non sit qui eripiat.

Sacrificium laudis honorificabit me : * et illic iter, quo ostendam illi salutare Dei.

Psalmus 1j.

Quid gloriaris in malitia, * qui potens es in iniquitate ?

Tota die iniquitiam cogitavit lingua tua : * sicut novacula acuta fecisti dolum.

Dilexisti malitiam super benignitatem : * iniquitatem magis quam loqui aequitatem.

Dilexisti omnia verba praecipitationis, * lingua dolosa.

Propterea Deus destruet te in finem, * evellat te, et emigrabit te de tabernaculo tuo : et radicem tuam de terra viventium.

Videbunt justi, et timebunt, et super eum ridebunt, et dicent : * Ecce homo, qui non posuit Deum adiutorem suum :

AD LAUDES.

Añã. Dele Dómine * iniquitatem meam.

Ps. Miserere. *ut supra. 62.*

Añã. Salutare.

Psalmus xlij.

Udicam me Deus, et discerne causam meam de gente non sancta, * ab homine iniquo, et doloso erue me.

Quia tu es Deus fortitudo mea : * quare me repulisti ? et quare tristis incedo, dum affligit me inimicus ?

Emitte lucem tuam et veritatem tuam : * ipsa me deduxerunt, et adduxerunt in montem sanctum tuum, et in tabernacula tua.

Et introibo ad altare Dei : * ad Deum, qui laetificat juventutem meam.

Confitebor tibi in cithara Deus Deus meus : * quare tristis es anima mea ? et quare conturbas me ?

Spera in Deo, quoniam adhuc confitebor illi : * salutare vultus mei, et Deus meus.

Añã. Salutare vultus mei, et Deus meus.

Añã. Ad te de luce * vigilo Deus.

Ps. Deus Deus meus. 21.

Añã. Cunctis diebus.

Sed speravit in multitudine divitiarum suarum : * et praevaluit in vanitate sua.

Ego autem, sicut oliva fructifera in domo Dei, * speravi in misericordia Dei in aeternum : et in saeculum saeculi.

Confitebor tibi in saeculum quia fecisti : * et expectabo nomen tuum, quoniam bonum est in conspectu sanctorum tuorum.

Añã. Deus deorum Dóminus locutus est.

Per Ann. v. Immola Deo sacrificium laudis. **R.** Et redde Altissimo vota tua.

Pro uno Martyre, v. Posuisti Dómine super caput ejus. **R.** Coronam de lapide pretioso.

Pro pluribus Martyribus, v. Exsultent justi in conspectu Dei. **R.** Et delectentur in laetitia.

Pro Conf. Pontif. v. Elégit eum Dóminus sacerdotem sibi. **R.** Ad sacrificandum ei hostiam laudis.

Pro Conf. non Pontif. v. Os justi meditabitur sapientiam. **R.** Et lingua ejus loquetur iudicium.

Pro una Sancta, v. Adjuvabit eam Deus vultu suo. **R.** Deus in medio ejus, non commovebitur.